

Sama - Agape Kitab - God's Love Letter Scriptures

Yahiya 15:9 "Alasa aku ma ka'am buwat kalasa Mma'ku ma aku. Da'a kam pabutas min lasaku.

Isaya 43:1,2 - Epesos 2:10 Hinangan Tuhan du kita, tapabaha'u e'na ma sabab si Isa Al-Masi ya pasōranta, bo' supaya ta'ambatta saga hinang ahāp ya pangangganta'an kita e' Tuhan.

Irimiya 1:5 - Galatiya 1:15 Sagō' tapene' aku e' Tuhan ma sabab ase'na maka lasana tudju ni aku. Pinene' asal aku ma halam gi' bay nianakan.

Yahiya 15:16 Ngga'i ka ka'am ya bay amene' aku, sagō' aku ya bay amene' ka'am, maka bay angwakilan ka'am supaya aheka kahāpan tahnangbi, kahāpan mbal apinda, sapantun kayu magbuwa' paheka. Jari ai-ai pangamu'bi ni Tuhan ma sabab ūnku ya panabbutanbi, tantu kam nirūlan e'na.

3 Yahiya 1:2 Bagay, ya amu'ku ni Tuhan bang pa'in ahāp labayannu kamemon, bang pa'in ahāp anggauta'nu, pinasali' ni kahāp ataynu tudju ni Tuhan.

Isaya 43:4 - 1 Petros 2:9,10 Malaingkan tapene' kam e' Tuhan bo' kam tahnang kaimaman magsusultan, bangsa sussi, a'a palsuku'an Tuhan. Nilinganan kam e'na paluwas min kalendoman, bo' papinda ni kasawahanna makainuinu. Tapene' kam bo' supaya patanyagbi pasal kahinangan Tuhan ahāp makalandu'. 10 Ma waktu bay dahū inān ngga'i ka kam suku' Tuhan, sagō' a'a Tuhan na kam ma buwattitu. Bay kam a'awam ma pasal ka'ase' Tuhan ma waktu palabay, saguwā' tananambi na ka'ase'na.

Irimiya 31:3 - Epesos 1:4 Sabab pinene' kitam e' Tuhan ma halam gi' bay pinapanjari dunya itu, bo' pasōd ma Al-Masi ati bo' asussi pangatayantam ma halam aniya' tamaktam ma pang'nda' Tuhan.

2 Timuti 1:9 Lappasan na kitam e'na min hukuman dusa, tapene' kitam bo' kitam tahnang a'a suku'na. Ngga'i ka ko' itu tungbas ma sabab aniya' bay hinangtam ahāp, sagō' ma sabab aniya' lasana maka ase'na tudju ni kitam. Ya asal mohotna ma halam gi' tapapanjari dunya, in kitam manusiya' asal kalasahanna maka ka'ase'anna sabab min kahinangan si Isa Al-Masi.

Yahiya 3:16 "Aheya to'ongan lasa Tuhan ma manusiya', ya po'on paglilla'na Anakna tunggal pinapatay bo' supaya sasuku angadol ma Anakna itu mbal binutawan min Tuhan, sagō' kakkal kallumna sampay ni

kasaumulan.

Hoseya 11:8; Isaya 49:15,16; & Isaya 41:13,14

Lukas 12:32 "Ka'am saga mulidku," yuk si Isa, "da'a kam tināw minsan kam mbal aheka. Sabab ka'amuhan Mma'bi Tuhan amuwanan ka'am palsuku'an ma deyom pagparintahanna.

Matiyu 28:20 Pandu'inbi sigām subay ameya' ma kamemon bay panoho'anku ka'am. Maka itu entomunbi pahāp, pagapi' du aku ma ka'am sampay niabutan masa." Tammat

Yahiya 14:1 Yuk si Isa ni saga mulidna, "Da'a pasusahunbi deyom ataybi pasal Ilingku inān. Angandol sadja kam ma Tuhan maka angandol kam ma aku.

Jabul 23:1 - Yahiya 10:11 "Aku itu," yuk si Isa, "ibarat a'a tag-bili-bili ahāp sidda pangupiksa'na ma saga bili-bilina. A'a inān maglilla' amatay ma sabab sigām.

Jabul 23:2 - Pamabukisan 7:17 sabab Bili-bili, ya pa'ntag ma haddarat Tuhan, angupiksa' sigām. Iya ya magmakōk, amowa sigām ni tuburan bohe' makakallum. Ati sinapuhan e' Tuhan bohe' mata sigām kamemon."

Jabul 23:3,4 - Lukas 1:79 Sasuku bay ka'ddasan ma deyom kalendoman ma sabab katāw sigām ma kamatay, taluwa' sahaya na, ati pinandu'an kitam lān ahāp ya amowa kita ni kasannangan."

Jabul 23:5,6 - 2 Kurintu 1:10 Jari pinuwasan kami min kapiligduhan ya arāk makamula kami, maka tantu kami pinuwasan e'na isab ma sinosōng. Aho', Tuhan sadja ya pangandolan kami, in kami puwasanna du bang aniya' kapiligduhan sumiyan-sumiyan.

Pilipi 4:7 Jari pinaniya'an kam kasannangan Tuhan, kasannangan mbal ta'ambat pinikil e' manusiya', ati asalamat du pa'in ataybi maka pamikilbi sabab si Isa Al-Masi ya parakayu'anbi.

Magparalilan 3:24 & Jabul 4:8 - Yahiya 14:27 Yuk si Isa lagi', "Ya pang'bbaku ma ka'am kasannangan atay. Kasannangan itu min aku asal, maka halam aniya' sali'na ma deyom dunya. Angkan yukku ma ka'am, da'a pasusahunbi ataybi maka da'a kam tināw.

Jabul 33:18 - 1 Petros 3:12 Sabab anganjaga du Panghū' ma saga a'a abontol, kinale e'na pamanyabut sigām. Sagō' sinagga' e'na saga a'a jahallis."

Rōm 5:2 Pinananaman kitam kaheya tabang Tuhan ma sabab pangandoltam ma si Isa, ati pataptapantam tabang itu buwattina'an. Magkōg-koyag kitam sabab aniya' holatantam in kitam pinahampitan kasahaya'an Tuhan.

Isaya 55:12 - Lukas 19:40 Anambung iya, yukna, "Haka'anta kam, bang sigām mbal ah'Iling, paganti' saga batu ma lān itu angolang magmahaldika'an aku."

Yahiya 16:22 Damikiyanna ma ka'am. Ma buwattina'an asusa kam, sagō' mag'nda' du kitam pabīng. Manjari magkōg-koyag du kam to'ongan ma halam aniya' makala'anan kōg-koyagbi inān.

Lukas 12:9 Sagō' sai-sai amalilu ma matahan kaheka'an a'a in aku ngga'i ka pameya'anna, paliluhanku isab a'a inān ma matahan saga mala'ikat Tuhan.

Matiyu 10:30 Ya lagi'na ka'am. Minsan lamba bu'unbi ilu, taitung e' Tuhan bang pila hekana.

Isaya 54:10 - Matiyu 24:35 Papinda du langit maka dunya, sagō' kabtanganku itu mbal to'ongan magkapinda."

Matiyu 11:28-30 "Ameya' kam ma aku, sasuku kam binale' maka kabuhatan, bo' kam buwananku pahalian. 29 Taima'unbi pandu' ya pamatanggungku ma ka'am, ati anganad kam min aku sabab ahantap asal aku, maka areyo' pangatayanku. Minnitu kam makabāk kahayangan ma nyawabi. 30 Sabab aluhay ya pamahinhangku ma ka'am, maka alampung isab ya pandu' pamatanggungku ma ka'am."

Sulayman 2:10 & Hoseya 2:14,19,20

2 Kurintu 11:2 Dūlinbi aku dai'-dai', sabab a'llogan aku ka'am buwat ka'llog Tuhan. Ka'am ilu sali' dalil budjang halam aniya' lumu'na, maka aku itu dalil matto'a amatunangan ka'am ni l'Illa dakayu'-kayu', ya na Al-Masi.

Exodus 3:14 - Hibrani 13:8 Mbal magkapinda si Isa Al-Masi, sali' du iya min katagna' sampay ni kabuwattina'anan, sampay isab ni katapanan.

Hoseya 13:4 - Kahanangan 4:12 Halam to'ongan aniya' saddī min si Isa ma kaluha'an dunya itu makalappas kitam min mulka'. Luwal ᄀn si Isa bay pamuan e' Tuhan panabbutan manusiya', bo' supaya kitam lappasan."

Yahiya 15:14 Ka'am ilu, bagayku du kam bang hinangbi saga panoho'anku ma ka'am.

Yahiya 14:6 Yuk si Isa ma iya, "Aku ya labayan tudju ni Tuhan. Aku ya po'onan kasab'nnalan. Aku ya po'onan kallum. Halam aniya' makapehē' ni Mma'ku Tuhan bang ngga'i ka aku ya palabayanna.

Pamabukisan 3:20 Pakale kam! Itiya' aku angalagaran ka'am, sali' a'a an'ngge ma lawang luma'bi anguku' pikiukab. Bang aniya' angasip ma suwalaku sampay angukaban aku, pasōd du aku bo' kami magsalu.